



Шормо эл, порымлык да гын берг!

48-ше (3384) №,
2018 ий 1 декабрь,
шуматкече.

ЯМДЕ ЛИЙ

1933 ий 1 февраль годсек лектеш.

0+

ЙОЧА ГАЗЕТЛАН ВОЗАЛТАШ ИТ МОНДО!

Подпискым түрлө семын ышташ лиеш:

❖ Марий Эл, Пошкырт, Татарстан кундемласе связь отделенийлаште подпискым ыштыза. Газет кажне шуматкечын толаш тўналеш. Индекс – П4696.

❖ Редакция гоч альтернативный подпискым ышташ лиеш. Ак – 150 тенге.

❖ Вес йон – электрон подписке. 89024668399 телефон номерышке (Tele2) 150 тенгем пыштымек, yamde_lii@mail.ru адресыш лўмнердам возен колтыза.



ПОДПИСКЕ

3 гыч 13 декабрь марте Россия мучко Подписчикин декадыже эртаралтеш. «Ямде лий» газетлан шулдырак ак дене возалтын кертыда.

Мый «Ямде лий» газетым лудаш пеш йоратем. Кажне номержым куанен вучем. Советский посёлкысо 3-шо номеран школышто 5-ше классыште тунемам. Йолташ ўдырем-влакымат марий йоча газетым лудаш кумыланденам. «Ямде лий» газетын кажне номержым тўналтыш гыч мучаш марте шергалын лектыт. Мый У ийыштат газетым налаш тўналам, 2019 ийын икымше пельжлан подпискым ыштенам. А те, йоча-влак, «Ямде лий» газетлан возалташ монден огыдал?

Аня ЯМИДАНОВА.

«Ямде лий» газетлан – 85 ий!

Ял уремыш куржын лектым,
Мемнан почталъон шога.
Денис чўчў ден(е) саламлалтым,
Енлан уверлам конда.



Ойыртемалтше серыш

Йолташ – кугу пөлек

Кажне евын йолташыже уло, шонем. Көм ме чын йолташлан шотлен кертына? Мыйын шонымаште, тудо эн ондак умылен моштышо лийшаш. Челе жап годым польш кидым шуалтышаш да тыйын верч шогышаш. Чын йолташ нигунам огеш ондале да весе дене огеш вашталте. Тлудлан чоным почын ойлаш лиеш. Вет ме ўшанена: тидын нерген тетла ниго пален ок нал. Но кызыт чын йолташ пеш шагал вашлиялтеш. Ондаалатмеке, чонышто пусталык шижалтеш. Тлендан ўшанле йолташда уло гын, аклыза: йолташ – эн кугу пөлек.

Виктория МАМАЕВА.

Кужэңер, Кугу Регеж.

Лудшаш кажне ты уверым –
Икшыве ушан лийшаш.
Йоча-влак палат йолташым –
«Ямде лий» – ўшан да вий.
Катя РЫБАКОВА.
Шернур посёлко.

ЛОТЕРЕЙ

Лотерей модышыш ушныза!
Тўн приз – смартфон!



**1-10 декабрьште
Марий Эл Республикыште
Инвалид-влакын
декадышт эрта.**

Декаде кышкарыште Т.Евсеев лүмеш Национальный тоштерыште инвалид-влакын усталыкышт дене палдарыше «Радуга возможностей» ончер

п а ш а м ышта. Тудо 16 декабрь м а р т е суйна.

Т.Евсеев л ү м е ш Национальный тоштер «Музей для всех!» все-российский инклюзивный акцияшке ушнаш үжеш. Тоштер 1-2 декабрьште начар тазалыкан ен-влаклан, нунын ешыштлан, йолташыштлан да кумылан-шамычлан түрлө мероприятийым яра эртарат.

Марий Элысе «Молодежка ОНФ» «Класс доброты» всероссийский акцияш ушнен. Российысе инвалид-влак обществын Марий организацийже дене пырля Йошкар-Оласе сервис технологий техникумышто тунемше-влаклан порылык урокым эртареныт. Эмганен кушшо-влакын сенгымашышт дене палдареныт.



Акций

Ончыкыжым тыгай вашлиймаш-влак Йошкар-Оласе школлаште лийыт.

Сенгымаш!

Инвалид да начар тазалыкан-влакын профессиональный мастарлыкыштым тергыше «Абилимпикс» чемпионатыште Марий Элын делегацияже кум шортнө медальым сенген налын. Марина Милосердова бисероплетений, Игорь Павлов йолчиемым ачалыме, Марина Ятманова тұрым түрлымө дене икымше верыш лектыныт.



Тўналтыш школна кок пачашан. Мемнан классна кокымшо этажыште верланен. Тудо кугу, волгыдо. Пырдыжыште интерактив доска кеча.

Юлия ИВАНОВА.
Морко, Коркатово.

Историйым шергалына

1853 ий 1 декабрь-ыште Руш-турко сар годым Синоп мыс воктен тале кредалмаш лийын. Руш адмирал Павел Степанович Нахимовын вуйлатыме руш эскадр турко-влакым кырен шалатен. 1 декабрь Российыште Воинский чап кече семын палемдалтеш.

3 декабрь – Палыдыме салтакын кечыже.
5 декабрь – Российыште Воинский чап кече. 1941 ийыште ты кечын Йошкар Арми контрнаступленийым тўналын. Москва воктен кредалмаште фашист тўшкам чактарен. Совет Ушемын рўдолаже верч куд тылзе утла пеш виян кредалмаш каен.

Аван пайрем лүмеш



Кылме тылзын пытартыш рушарняже – Аван кечыже. Тиде кечын ме, кокымшо да кумшо класлаште тунемше-шамыч, авана-влакым пайрем дене саламлышна: мурым, почеламутым пөлеклышна. Сценкым модын ончыктышна. Пайрем үстел коклаште тутло сий дене мучашлалте.

Кристина ВАЙШЕВА.
Шернур, Марисола.

3-9 декабрьште Марий Эл Республикысе школлаште «Урок Цифры» всероссийский акция лиеш. Тунемше-влаклан информатике дене түрлө сынан урок-влакым эртарат.

*Пашам варалан
кодаш ойрө –
ончыко от кае.*

5 декабрьште Российысе школлаште 11-ше классыште тунемше-влак итоговый сочиненийым (изложенийым) возат. Марий Элыште 3057 тунемше сочиненийым сера.

*Тунемде,
паша ок ушно.*

*Тушто: чондымо
гынат, кок пылыш
шыже
уло.*

Марий тиште кечылан пөлеклалтше «Марла чын возена» диктантым 6 декабрьыште Марий кугыжаныш университетыште 10 шагатлан возаш тўналыт.

*Чодыравуй
гўжла гын, поран
лийшашлан.*



Еш - илыш кече

Аван кечыже
ваше
Республикысе
марий тўвыра
рўдер ден
«Саскавий» марий
ўдырамаш ушем «Авам дене
пырля» йоча усталык конкурсым
икымше гана эртареныт.
Тагасымаш Национальный пре-
зидент сымыктыш школышто
лийын. Республикысе тўрлө кун-
дем гыч лу ияш марте ийготан
куд Пампалче да ик Онар авашт
дене пырля усталыкыштым
тергеныт.



Авторын фотожо-влак.

Марла ойла я рушла, Ава эн шерге мыланна



«Мый пиалан
ава улам» манын,
ўдырамаш кунам
ойла? Але кунам
икшыве «Мый пиа-
лан йоча улам» ма-
неш? Нине йодыш-
лан У Торъял
посёлко гыч Анна
ден Светлана Евге-
ньевна Еросла-
новамыт раш ваш-
мутым пуэныт: «Суртышто келшымаш
озалана. Ваш умылен, полшен илена.
Руш улына гынат, марий калыкын тўвы-
ражым, йўлажым, йылмыжым пагален
илена».

Ерослановамыт «Авам дене пырля
туткар гыч утлена» номинацийыш-
те сенышыш лектыныт.



Ава пелен
сценыш лек-
тын, марий
к о й ы ш ы м
ончыктымаш
кўкшын акла-
тын. Оршанке
р а й о н
Кугунур
г ы ч
Наталья
Геннадь-
евна Бог-
данова
ден Ксения ўдыржө «Авай
дене пырля» номинацийыште
эн сай мўнгысө пашашт дене
куандареныт. «Авамын мурал-
тымыже – шўшпык шўшкымө
дене иктак», – ойла Ксения.



кум ияш Полина ўдыржө дене конкурсышко ушнен. Полина – эн изи участ-
нице, тудлан «Ямде лий» газет редакций шке призшым кучыктен.



Кудрявцевмыт
еш «Мыйын авам» номинацийыште
ойыртемалтын.

Оршанке район Кугунур
гыч Ирина Михайловна
Кудрявцева Анастасия ўдыр-
жым шочмо мландым йўратен
илаш туныкта. Шкеже бая-
ным шокта, ўдыржымат кумы-
ланда. «Ешыште марий йылме
ильшаш, марий сем
йонгышаш, тунам нуно тукым
гыч тукымыш
куснен аралалтыт», – ойла ава.



«Авам дене пырля сўретлена»
тагасыште Медведево район
Кожласолаште илыше Роза
Альбертовна Васильевалан Мария
ўдыржө эн мотор
пеледыш аршашым
кучыктен. Ава
икшывыжым изинек
к и д п а ш а л а н
шўмандышаш.



«Авам дене пырля когылым ыште-
на» номинацийыште Морко посёлко гыч
вич ияш Аня Алексеева ден аваже,
Инна Валерияновна, эн чатка
подкогылым тўрленит.

Конкурсыш ушнышо ик
Онар, Оршанке район
Кугунур гыч Артём Тойшев,
ден аваже, Альбина
Ивановна, «Этноmodo»
тагасыште тошто марий вур-
гемым ончыктеныт да
сенышыш лектыныт.



Звенигово район Кожласола
гыч Алёна Николаевна Толстова

Л.ГРИГОРЬЕВА.



Республикысе наркологий диспансерын ийготыш шудымо-влак дене пашам ыштыше врач-наркологшо Н.Н.ДАНИЛОВА дене вашмутланымаш.

Марий Эл Республикыште наркологий службо 1977 ий 29 ноябрь гыч тўналтышым налеш. Тунам Йошкар-Олаште икымше наркодиспансер почылтын, а 1982 ий 30 январь гыч тудо республикысе эмлымверыш савыренен. Икымше врач Илья Тимофеевич Яковлев лийын. «Республикысе наркологий диспансерын негызше – тиде специалист-влакын профессионал кўкшытышт, шинчымышт, тыршымышт да паша опытышт», – оила кызытсе **тўн врач С.В.БОЧКАРЕВ.**

Чын ошкылым ыштыза

– Нина Николаевна, наркотикым приматлыше самырык еҥлан могай медицине полшы пуалтеш?

– Ийготыш шудымо йочалан амбулаторный полшышым медицине тўнежлаште участковый врач-педиатор-влак пуат. Наркотиклан кўра чержым муыт гын, Республикысе наркологий диспансерыш эмлалташ колтат. Тыштыже тўналтыш специализированный медицине полшышым пуат. Эше улыт стационар медицине полшышым пуышо эмлымвер-влак. 16 ияш марте ўдыр-рвезе-влакым, кўн аярым (наркотик – тиде пеш лўдыкшў аяр) приматлымыжлан кўра психикыже лшкыдемын, Республикысе йоча клинике больницыш колтена. А кугурак ийготан-влак Республикысе психиатрический больницыште, тыгак мемнан наркодиспансерыште эмлалтыт.

– Тыгай-влакше шукын улыт?

– Йошкар-Олаште тений 9 тылзе жапыште ийготыш шудымо 117 йочам тергенна. Нуным мемнан дек Марий Элысе МВД-н пашаенже-влак колтат. Тышеч 69-же аракам йўмў дене руштшо лийын, 6 йоча наркотикым кучылтын, молышт тергалташ тореш лийыныт. 6 йоча амбулатор йўн дене эмлалтын.

– Черым эмлаш йўсырак. Ончылгоч умылтараш, шижтараш сайрак, очыни.

– Чын, келшем. Тыгай шонымаш денак 2018 ийыште Йошкар-Оласе школлаште да профобразований тўнежлаште (колледж, тех-

Ийготыш шудымо 22 йоча наркотикым приматлымыжлан ОВД ПДН-ын профилактике учётшытыжо шога.

никум) тунемше 501 ўдыр-рвезе коклаште диагностике тергынамашым эртарыме.

Наркотикым я психотропный веществам огыт приматле дыр – онченна. Тылеч посна Марий Эл Республикысе элгўргў паша министерствын увертарыме акциялашкыже ушнена. Мутлан,

«Быт», «Подросток – каникулы», «Твой выбор» мероприятий годым рейдыш пырля лектынна, наркологий учётшыто шогышо, психиатор-нарколог врач дене эмлалтше йоча-влак деке мўнгышкышт миен коштынна.

– «Школа здоровья «Спасибо – НЕТ» проект нерген палдарыза.

– Тиде проект психоактивный веществам кучылтмо шотышто тўналтыш профилактикым виктарен колтымо дене кылдалтын. Тений октябрь марте 28 туныктымо тўнежыш лектын, лекцийым, беседым, кинотренингым, квестым эртаренна. Чылаже 1840 самырык еным авалтыме. Наркодиспансернан специалистше-влак «Айык пайрем», «Тамакым шупшдымо тўнямбал кече» мероприятийлаште умылтарыме пашам шуктеныт.

– Нина Николаевна, наркотик шарлыме ваштареш Марий Элыштына моткоч шуко паша ышталтеш. Лудшына-влаклан могай ой-каҥашда лиеш?

– Ача-ава-влак, эргыдам я ўдырдам эре терген, эскерен шогыза. Койыш-шоктышыжо, сын-кунжо, мутланымже вашталтым ужда да наркотик дене кылым кучымыжым шижыда гын, жапым ида шуйкале: шижтарыза. Осал черын кепшылышкыже логалме деч утарыза!

Л.СЕМЕНОВА мутланен.

Диспансерын подростковый психологшо «Как ставить цели» методике материалым ямдылен. «Пиво», «Что убивает алкоголь», «Коварный СПАЙС» листовко, «Наркотики. Очевидное... Вероятное...», «Внимание! Синтетические наркотики!», «Наркотики. Возможно, твои друзья не знают», «Безопасность начинается дома» лўман памятке-влакым лукмо. Нуным туныктышо да ача-ава-шамычлан кучылташышт темлат.





27 ноябрьште Марий Элыште «Илаш! Йораташ! Ушанаш!» республикысе антинаркотический форум эртен. Тудо 500 утла еным поген.

Юлтех университетын тунемме тун корпусыштыжо «АЛЬТЕРНАТИВА» интерактив площадке-влак пашам ыштенят:

«Илаш!» площадке: мер толкын да ушем-влак, спорт федераций пашашт дене палдареныт;

«Йораташ!» площадке: патриотизм да элым йоратыме шұлышеш пашам ыштыше клуб да ушем-влак дене палыме лийыныт;

«Ушанаш!» площадке: молодёжым духовно-нравственный шұлышеш воспитатлымаште, таза илыш-йўлам шынгарымаште кучылталтше у технологийым да механизмым ончыктеныт.

Тыгак семинар-погынамаш, шанче-практик конференций, психологический тренинг да практикум эртаралтыныт.



Марий Эл Правительстве Вуйлатышын алмаштышыже И.Р.Дравниец.



Фото-влак – Интернет гыч.



14 ноябрь гыч 3 декабрь марте Марий Элыште «БЕЙ В НАБАТ» акций эрта.

Увер

22 ноябрьште Республикысе медицине колледжыште «Ме таза илыш-йўла верч улына!» фестиваль-конкурс эртыш. Тений тудо наркотик ваштареш виктаралте, девизшат «Чаңым кыре!» маналте. Чылаже 15 команде ушныш: Йошкар-Оласе школла гыч 3 команде ыле, нунын кокла гыч 30-шо номеран школ икымше верыш лекте. СУЗ-влак коклаште Марий радиомеханический техникумын командыже эн тале лие.

Ольга КОШКИНА.

Физкультура

Умылтараш перна

Ме, Овдасолаште илыше йоча-влак, футбол дене модаш пеш йоратена. Шкеак футбол пасум ыштенна, капкамат шогалтыме. Каныш кечын тушто модмаш эрта.

Мемнан команде сена гын, вес командын южо йочажлан тиде огеш келше. Садлан лўмынак йолым чумаш веле вага. Мыйын шонымаште, тыгай йочам модыктыман огыл, но тудат мемнан ялысак. Садлан тудлан

«Молодёжка ОНФ»-н эртарыме «Уличный красав» всероссийский футбол турнирын регионисо этапше Йошкар-Олаште эртен. Тагасымашке республикысе куд район гыч лу команде ушнен. 14-15 ияш-влак коклаште «Семол» команде (Медведево посёлко) эн виян лийын. Йошкар-Ола гыч «Барсы» командын 16-17 ияш рвезыже-влак иктагашышт-влак коклаште сенгышыш лектыныт.

Андрей НИКОЛАЕВ.
Морко район.



Кöлан мом кучыктет?



Спорт дене кылым кучем, ечим поснак йоратем. Тўрлө вере тагасымашке коштам. Садланак теле – мыйын йоратыме пагытем.

Святослав КУДРЯВЦЕВ.
Кужэнгер, Конганур.

Ныл йолан йолташна



Йөрәтем

Уло мыйын пырысем,
Мый тудлан чот йывыртем.
Пырысем чот йөрәтем –
Эре тамлым вел пукшем.


Катя РАССАНОВА.
Морко, Коркатово.

Т Мыйын Тесла лүман
е пырысем уло. Тудо
с ош пунан, а кок
л пылышыже, почшо да
и шенгел йолжо шем
к тўсан. Кенезым
пырысемлан колым
кучен пукшем. Шкежат
колям куча, кайыкы-
мат ваҥа. Тидлан
Теслам вурсем. Изиж
годым шўртö дене
модеш ыле, кызыт
кушкын да йола-
гайлана. Теслик
мый денем
мала, юзгунам
акам деке
возеш.

Аня
САНДАКОВА.
Шернур,
Лажъял.



Сүретлен пыгаре
да чиялте.



Тушто

Апшат огыл, плотникат огыл –
ялыште первый пашазе.

Мыйын Мила лүман пырысем
уло. Тудо ошо да шем тамган,
шинчаже канде, почшо шеме. Мила
түрлө-түрлө модыш дене модаш
йөрата. Мый тудлан яшлык гыч
пörтым ыштенам. Пörтшö кугу,
кумда, мотор, каналташыже вер
ситышын уло. Пурымаштыже моды-
шым сакалтенам. Тудым тўкыде
огеш чыте. Юзгунам пурен возеш
да модын кия. Йўдым воктекем



Шернур, Лажъял.



Волжский район Сотнур гыч **Вика**
ЧИМАКОВАН сүретыштыже чонан-вла-
кым кычалза.

мыйын ковам пий, пырыс пиал дене илена манын эре ойлен.
Шöрым лүштен пурымекекыже, эн ончыч йол йымалне мырлен,
чоным куандарен коштшо да суртым оролышо ныл йолан йол-
ташна-влаклан пыштен пуэн. Айдемылан пырысын полшы-
мыж нерген ятыр колынам. Сандене суртвольыкым,
янлыкым, кайыкым чаманышаш улына.

Элина НИКОЛАЕВА.
Морко, Эгерсола.

Палаш онгай

Ятыр
элыште түрлө янлыклан
пöлеклалтше пайрем-вла-
кым пайремлат. Испаний-
ыште Пүчын кечыжым
палемдат. Мексикыште Оту-
мба олаште 40 ий утла ий
еда ишак-влакын фести-
вальыштым эртарат. Фран-
цуз-влак Клуис олаште
шайтан (улитке) карнавалым
ыштат. А кайык-влак кокла
гыч лач кисан пайремжым
веле палемдаш лиеш.



Даша ОЛЮНИНАН сүретше.
Советский, Öрша.

Илне – сурт негыз.
(Калыкмут.)



«Мырр-мырр»
манеш

толын возеш да пырля мала. Ниялтемат, «Мырр-мырр», –
манеш. А эрдене кынелеш да вигак уремыш вашка.

Надя ВОЛКОВА.

Пörьен паза-
рыште пийжым
ужала. Налше йодеш:

- Пиет таза?
- Таза!
- Ушан?
- Пеш ушан!
- Ёшанле?
- Ёшанле, ынде визым-
ше гана ужалем.



Пырыс, пий пиал дене

Марий пүртүс кеч-могай пагытыште мотор. Адакшым тудо моткоч поян. Чыла тидым калык арален илышаш. Сылне пүртүсүм шүкшак дене амыртыман огыл. Амал деч посна пушентым руаш ок лий. Вет кундемна чодыралан поян гын, юж яндар лиеш.

Дима АРХИПОВ.

Морко, Коркатово.

Айде-ме пиалан йолташыж дене.


Йолташем

Мыйын уло йолташем, Тудым мые пагалем. Пырля воштыл модына, Куштена да мурена. Коктын пеш чот келшена, Сай йолташ ме улына.

Анастасия ИСАЕВА.
Татарстан, Балгаса, Ципья.



Мастар кид



Кагазым годыштын, мераным ыште.

Сүретым чиялте.



Алмазан мозаике – йоча модыш. Наборышто түрлө түсан шуко кў (алмаз), клеян пластинке да погышаш сўрет уло. Мыйым алмазан мозаикым погаш Полина акам туныктен. Тудым погаш неле огыл, сўретыште түс-влак номеран улыт. Тиде модыш кидым лывырта, шинчама пўсемда, нервым лыпландара. Мый пирым, тигрым, сылне пеледышым погенам. Кызыт имне-влакым погем. Пеш мотор картине лектеш. Авам пашам-влакым рамке дене сўрастара.

Алмазан мозаике

Ваня ГОРОХОВ.

Советский, Кельмаксола.



Мый телым, ечым чиен, меранын але рывыжын кышашт почеш кошташ йўратем.

Владислав НОСОВ.
Кужэгер, Конганур.

Икымше поран

Эрден помыжалтым да вигак окнаш ончалым. Уремыште игече пеш мотор. Кечылан куанен, школыш ошкылым. Урок годым, ошын койын, поран тўнале. Мамык гае ош лум пушентге-влаклан ош ужгам чиктен шогалтыш. Мландыш кугу карме гай лум йога. Эрденысе чевер кечат ала-кушко йомо. Кава пылан. Пүртүс йоршын вашталте. Перерыв жапыште тунемше-влак уремыш куржын лектыч. Изирак класс йоча-влак, лумлан куанен, лум чумыркам ыштен, кышкылт модаш тўналыч.

Яна ВЕДЕНЬКИНА.
У Торъял, Кузнеч.



КОНКУРС!



Ульяна ФЁДОРОВА.
Марий Турек,
Арбор.



Ксения ПЕТРОВА.
Национальный
президент школ-
интернат.




София ИСАЕВА.
Волжск оласе 12-шо
номеран школ.

«Школ формым чиенам»



Дима ГРИГОРЬЕВ.
Морко, Купсола.

Пилот-влакым транспортшыкышт верандыза.



Телын куанжым **Ольга СТЕПАНОВА** (Морко, Шап Унчо) пален налаш темла.


Икымше лум

Леведе икымше лум
Шемалге мландынам.
Кава гыч ош лум велеш –
Ялт лыве гай коеш.
Могай сай игече!
Тиде сылне кечын.

Ксения КАТКИНА.
У Торъял, Немда.



Вертолёт шагатыште 96
менгым эрта гын, реактивный самолёт 10 пачаш
шукырак. Реактивный самолёт шагатыште мыняр
менгым чонешта?



Ик шырым верже дене
вашталтен, чын вашмутым
ыштыза.

Пöлемыште
Мичу шкетынак
модеш. Кенета
үстембалне шин-
чыше стаканым йонылыш кўварвак волтен шуа, да
стакан пудырга.

Аваже толын пура. Тидым ужешат йодеш:

- Кө стаканым пудыртыш, эргым?
- Мичу кок кидшым шаралта:
- Мый пудыртен омыл. Тудо үлыкө ончале да
шке төрштыш.



Упшлан келшыше пижерге
мужырым муза

Индекс: Марий Элыште,
Пошкырт ден Татарстан
кундемлаште - П4696.
Тираж 1150 экз. Заказ 2229.
Формат – А-4-8.
Директор-тўн редактор
Л.В.СЕМЕНОВА.

E-mail: yamde_lji@mari-el.ru,
yamde_lji@mail.ru
Сайтын адресше: yamde-lji.pro,
Тел. 8(8362) 45-22-82(факс)

УЧРЕДИТЕЛЬ-ВЛАК: Марий
Эл Республикысе культу, печат
да калык-влакын пашашт
шотышто министерстве, «Ямде
лий» газет» кугижаныш унитарный
казна предприятий.

Газетым редакцийште погы-
мо да версталыме, «СТРИНГ»
ИПФ ООО-што ямде оригинал-макет гыч
савыктыме. Типографийн адресше:
424006, Йошкар-Ола, Строитель урем, 95.

Газетым Массовый коммуникаций
сферыште да культу, наследийым ара-
лымаште законодательством шуктен шо-
гыным эскерыше Федеральнй службн
Приволжский федеральный округысо упр-
вленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

Газетым Печать да массовый
коммуникаций шотышто
Федерал агентствын окса
полышыж дене лукомо.

0+

Печатыш пуымо жап – 14-00,
фактически – 13-00

Авторын да редакцийн шоньма-
шышт түрлө лийын кертыт. Се-
рыш-влак мөнгеш огыт колталт.
Ак – кутырен келшыме почеш.

Редакцийн да издательн адресше:
424006, Йошкар-Ола, СССР
Вооружённый Вийн
70-ше идалькше урем, 20 (почтовый)
Энерүмбал Амстердам, 1
(фактический).